



國語第十

吳高陵亭侯

韋昭解

宋鄭國公

宋庠補音

明侍御史

蜀張一鯤
楚李時成

閱

虞部郎豫章郭子章
選部郎東粵周光錫

校

晉語四

文公在翟十二年

文公晉獻公庶子重耳也避驪姬之難魯僖五年歲在大火自蒲奔

翟至十六年歲在壽星故

狐偃曰日吾來此也

狐偃文公

舅子犯也

非以翟為榮可以成事也

榮樂也成事成反國之事。樂

待各切

吾曰奔而易達

易以鼓切

困而有資

資財也

休以

擇利可以戾也

休息也戾定也

今戾又矣戾又將底

底止也

底

箸滯淫箸直略切。箸附也。滯廢也。淫久也。誰能與之與起也。盍速行乎

吾不適齊楚避其遠也蓄力一紀可以遠矣蓄許六切。又救。

六切。蓄養也。十二齊侯長矣而欲親晉長展兩切。齊侯相

公也。長老也。是歲相公管仲沒矣多讒在側沒終也。讒謂易

為淮之會明年而卒謀而無正衷而思始無正無正

牙豎刃之屬。豎上夫必追擇前言求善以終前言管仲厭邇

也。中道思逐遠遠人入服不為郵矣邇近也。逐求也。郵過會其

其初時也季年可也季末也。勸使文公適齊茲可以親茲此皆

以為然乃行過五鹿乞食於野人五鹿衛邑不野人

舉塊以與之塊苦對切。塊璞也。公子怒將鞭之子

犯曰天賜也民以土服又何求焉言民奉土天事必

象必先十有二年必獲此土後十二年二三子志之

志識也。識職歲在壽星及鶉尾其有此土乎歲歲

吏昌志二切自軫十二度至氏四度為壽星之次自張十七度至

軫十一度為鶉尾之次歲在壽星謂得塊之歲魯僖

十六年也後十一年歲在鶉尾必有此五鹿地也魯

僖二十七年歲在鶉尾二十八年歲復在壽星晉文

公伐衛正月六日戊申取五鹿周正月夏十一月也

後天以命矣

命告也謂

復於壽星必獲諸侯

歲復在

魯僖二十八年也是歲四月文公敗楚師於城濮合

得諸侯天之道也天之大數由是始之由從也從有此

其以戊申乎有此五鹿當所以申土也日以戊申戊

土地再拜稽首受而載之拜天賜受遂適齊齊侯妻

之甚善焉妻七戾切。相公以有馬二十乘乘實證

四馬為乘將死於齊而已矣曰民生安樂誰知其

它相公卒在齊一年孝公即位孝公相公子昭也即

諸侯畔齊子犯知齊之不可以動動謂求而知文公

之安齊而有終焉之志也欲行而患之患文公不與

從者謀於桑下從慈用切下從者同。從者趙衰蠶

妾在焉在桑也莫知其在此也妾告姜氏姜氏殺之告古

殺之以滅口也時諸侯畔齊而言於公子曰從者

將以子行其聞之者吾已除之矣子必從之不可以

貳貳疑無成命疑則不詩云上帝臨女無貳爾心

女通作汝。詩大雅大明之七章也上帝天也先王

其知之矣貳將可乎言武王知天命不可以疑故卒

子去晉難而極於此極至自子之行晉無寧歲民無

成君成定也謂奚齊卓子殺死惠公無親天未喪晉

無異公子同生九人有晉國者非子而誰子其勉之

上帝臨子矣貳必有咎天子不取故必有咎。子音與。公子曰吾不

動矣必死於此姜曰不然周詩曰莘莘征夫每懷靡

及莘莘衆多也。征行也。懷私為每懷。言臣奉命當念

在公每輒懷私將無所及。夙夜征行不遑啓處猶懼無及處故呂

○夙蚤也。行道也。遑暇也。啓處也。處居也。況其順身縱欲懷安將何及矣

人不求及其能及乎求及時也。日月不處人誰獲安西

方之書有之曰懷與安實疚大事西方謂周也。詩云誰將西歸又曰西

方之人皆謂周也。安自安也。疚病也。鄭詩云仲可懷也人之多言亦可

畏也詩鄭風將仲子之卒章也。仲祭仲也。懷思也。言雖欲從心思仲猶能畏人自止見可懷思可畏

也。○將七羊切。祭則界切。從子用切。下從心同。昔管敬仲有言小妾聞之敬

夷吾字也。曰畏威如疾民之上也畏威如疾。疾病此民之

從懷如流民之下也從心所思如水流。見懷思威民

之中也威畏也。見可懷則思。可畏此民之中行。畏威如疾乃能威民言能

畏上乃能威下。威在民上弗畏有刑能威民故在人上。從懷

如流去威遠矣故謂之下去威遠言不能威民也。其在辟也吾

從中也辟俾亦切。中丁仲切。又如字。○辟罪也。弗畏有刑故云罪高不在上下欲避罪故從中也。

鄭詩之言吾其從之從其畏人之多言也。此大夫管仲之所以

紀綱齊國裨輔先君而成霸者也子而棄之不亦難

乎禪音毗。禪補也。齊國之政敗矣晉之無道久矣從者之

謀忠矣時日及矣公子幾矣幾巨衣切。幾近也。言重耳得國年時日月近也。

也君國可以濟百姓而釋之者非人也濟成也。釋置也。敗不

可處敗謂齊也。時不可失忠不可棄懷不可從子必速行

吾聞晉之始封也始封謂唐叔虞。歲在大火闕伯之昆也實

紀商人闕阿葛切。後同。商殷也。自氏五度至尾九丘祀大火死以配食相土因之。商之饗國三十一王

故商王大火實紀商之吉凶也自湯至紂。警史之記曰唐叔之世將如商數警史知天道者。今未

半也自唐叔至惠公十四世故曰未半。亂不長世不長世亂當有平時也。公子

唯子子必有晉若何懷安公子弗聽姜與子犯謀醉

而載之以行醒以戈逐子犯曰若無所濟吾食舅氏

之肉其知厭乎舅犯走且對曰若無所濟余未知死

所誰能與豺狼爭食厭或作饜。戰死原野公子將交不暇豈能復與豺狼爭食我

乎復若克有成公子無亦晉之柔嘉是以甘食無亦

不亦也柔脆也嘉美也

偃之肉腥臊將焉用之遂行過衛衛文

公有邢翟之虞不能禮焉腥錫青切。臊蘇遭切。焉於虔切。過古禾切。衛文公

宣公之孫昭伯頑之子燬也虞備也是歲魯僖十八

年冬邢人翟人伐衛圍蒐圃文公師於訾婁以退之

故不能禮焉火尾切。蒐免都切。訾子移切。甯莊子言於公莊子衛正卿穆

仲靜之子曰夫禮國之紀也親民之結也君親其親

甯速也心使相善德之建也建立也言能善國無紀不可以

終民無結不可以固德無建不可以立此三者君之

所慎也今君棄之無乃不可乎晉公子善人也而衛

親也君不禮焉棄三德矣晉祖唐叔武王之子衛祖

德謂禮賓親臣故云君其圖之康叔文之昭也唐叔

武之穆也昭常暹切注同。自祖以下一昭周之大

功在武謂始伐也天胙將在武族族嗣苟姬未絕周

室而俾守天聚者必武族也聚財武族唯晉實昌晉

胤公子實德晉仍無道仍重也。重直用切天胙有德晉之守

祀必公子也若復而修其德鎮撫其民必獲諸侯以

討無禮君弗蚤圖衛而在討小人是懼敢不盡心公

弗聽自衛過曹曹共公亦不禮焉共音恭。共公曹

也聞其辭脅欲觀其狀辭步田切內傳作駢止其舍謀其將浴設微薄而觀之徒協

各切。謀候也僖負羈之妻言於負羈羈紀宜切內

微蔽也薄迫也曰吾觀晉公子賢人也其從者皆國相也

曹大夫以相一人必得晉國得晉國而討無禮曹其首誅也

用。負羈

子益蚤自貳焉

相息亮切。貳猶別也。〔別〕彼列切。

僖負羈餽殮寘壁

焉

〔餽〕內傳作饋。〔殮〕音孫。〔寘〕之鼓切。孰食曰殮。寘置也。置壁於殮下。

公子受殮反璧

負羈言於曹伯曰夫晉公子在此君之匹也君不亦

禮焉曹伯曰諸侯之亡公子其多矣誰不過此亡者

皆無禮者也余焉能盡禮焉對曰臣聞之愛親明賢

政之幹也

〔焉〕能之焉於虔切。幹植榦也。

禮賓矜窮禮之宗也

宗本也。

禮以紀政國之常也

紀理也。

失常不立君所知也

失常則政

不國君無親國以為親

僚以官相親君以國相親。

先君叔振出自

文王

文王子也。

晉祖唐叔出自武王

武王子也。

文武之功實建

諸姬故二王之嗣世不廢親今君棄之是不愛親也

晉公子生十七年而亡

亡奔也。

卿材三人從之可謂賢

矣

〔從〕慈用切。三人狐偃趙衰賈佗。〔宅〕徒何切。

而君蔑之是不明賢也晉

公子之亡不可不憐也比之賓客不可不禮也失此

二者是不禮賓不憐窮也守天之聚將施於宜宜而

不施聚必有闕

〔施〕式鼓切。宜義也闕缺也。

玉帛酒食猶糞土也

愛糞土以毀三常

三常政之幹禮之宗國之常也。

失位而闕聚是之

不難無乃不可乎君其圖之公弗聽

難乃切。

公子過宋

自曹適宋。

與司馬公孫固相善

固宋莊公之孫大司馬固也相善相說好。〔說〕古悅。

字好呼報公孫固言於襄公曰晉公子亡長幼矣展

兩切下同。襄公宋桓公子而好善不厭父事狐偃

師事趙衰而長事實它長兄狐偃其舅也而惠以有

謀趙衰其先君之戎御趙氏之弟也而文以忠貞趙衰

晉卿公明之少子成子衰也先君獻公戎御御戎車也傳曰趙夙御戎賈它公族也而

多識以恭敬賈它狐偃之子狐射姑犬師賈季也公族姬姓也食邑於賈字季。射盈隻切

此三人者實左右之公子居則下之動則咨焉成幼

而不倦成幼自幼至成人也始有禮矣樹於有禮必有艾艾魚廢切

文樹種也商頌曰湯降不遲聖敬日躋長發之二章也降下也躋

升也言湯之尊賢下下甚疾降有禮之謂也降已於故其聖敬之道日升聞於天

君其圖之襄公從之贈以馬二十乘公子過鄭鄭文

公亦不禮焉文公鄭厲公之子悽叔詹諫曰臣聞之叔詹鄭大夫親

有天有天天所啓也用前訓前訓先君之教禮兄弟資窮困資稟也天

所福也今晉公子有三胙焉天將啓之啓闔也。同

姓不婚惡不殖也惡鳥路切。殖蕃也狐氏出自唐叔狐氏重耳外家

也出自唐叔與晉同祖唐叔之後別在犬戎者狐姬伯行之子也實生重耳

伯行狐子空成而雋才離違而得所雋通作俊。言成人

離禍去國舉動得所又約而無釁一也釁許覲切。釁瑕也同出九人唯

重耳在

同出同父也

離外之患而晉國不靖二也

靖治也

晉

侯日載其怨外內棄之

載成也

重耳日載其德狐趙謀

之三也在周頌曰天作高山大王荒之

天他蓋切。天作之首章。

也作生也高山岐山也荒大也言天生此高山使與雲雨大王則秩祀而尊大之

荒大之也

大天所作可謂親有天矣晉鄭兄弟也吾先君武公

與晉文侯勳力一心股肱周室夾輔平王

武公鄭桓公之子滑

突也文侯晉穆侯之子仇也戮并也一同也

平王勞而德之而賜之盟質

曰世相起也

質信也起扶持也

若親有天獲三胙者可謂大

天

三胙謂成而雋才晉國不靖狐趙謀之也

若用前訓文侯之功武公之

業可謂前訓

業事也前訓二國同心之訓

若禮兄弟晉鄭之親王

之遺命可謂兄弟

晉鄭同姓王之遺命又使相起可謂兄弟

若資窮困亡

在長幼還軫諸侯可謂窮困

還音旋下還師同。軫車後橫木也還軫猶回

車周歷諸國遭離阨困

棄此四者以徼天禍無乃不

可乎

徼要也四者有天前訓兄弟困窮。要於遙切

君其圖之弗聽叔詹曰

若不禮焉則請殺之諺曰黍稷無成不能為榮

稷梁也無

成謂死也榮秀也

黍不為黍不能蕃廡

廡音武。為成也。蕃滋也廡豐也

稷

不為稷不能蕃殖

殖長也

所生不疑唯德之基

所生謂種黍得

黍種稷得稷唯在所樹言禍福亦猶是也若不禮重耳則當除之不爾則宜厚之如此不疑是為德基也

公弗聽遂如楚楚成王以周禮享之九獻庭實旅百

成王楚武王之孫文王之子熊頽也九獻上公之享禮也庭實庭中之陳也百舉成數也周禮上公出入

所享饗餼九牢米百有二十筥醢醢百有一十罋禾二十車芻薪倍禾○頽一筠切於容切籩許氣切

管九呂切醢呼西切醢音海公子欲辭不敬子犯曰天命也

君其饗之天命天使之也饗食也○食祥吏切亡人而國薦之薦進也以國君

之禮薦進之非敵而君設之非體敵而設之如人君也非天誰啓之心

既饗楚子問於公子曰子若克復晉國何以報我公

子再拜稽首對曰子女玉帛則君有之有之楚自多也子女美女

也羽旄齒革則君地生焉旄莫褒切○羽鳥羽也翡翠孔雀之屬旄旄牛尾也

齒象牙也革犀兕皮也皆生於楚○翬父涕切兕徐履切其波及晉國者君之餘

也又何以報波流也王曰雖然不穀願聞之曲禮曰四

於境內自稱不穀對曰若以君之靈靈神也得復晉國晉楚治

兵會於中原其避君三舍治兵謂征伐也古者師行三十里而舍三舍為九十

里司馬法曰進退不過三舍禮也若不獲命不獲楚還師之命其左執鞭弭

右屬橐鞬以與君周旋弭莫爾切橐古刀切鞬九言切○鞭所以擊馬傳曰雖鞭

之長不及馬腹爾雅曰弓無緣者謂之弭橐鞬矢房鞬弓弣也言以禮避君君不旋乃敢左執弓右屬手於

房以取矢與君周旋相馳逐也○緣弋絹切弣七刀切令尹子玉曰請殺晉公

子子玉楚若敖之曾孫令尹成得臣也弗殺而反晉國必懼楚師王曰

不可楚師之懼我不脩也我德不脩也我之不德殺之何

為天之胙楚誰能懼之楚不可胙冀州之士其無令

君乎晉在冀州且晉公子敏而有文敏達也文章也約而不諂

在約困之中而辭不諂屈也三材傳之天胙之矣謂狐趙賈三人也天之

所與誰能禦之子玉曰則請止狐偃止謂留為質也

王曰不可曹詩曰彼已之子不遂其媾郵之也媾同

豆切。曹風蟋蟀之第三章也媾厚於其寵也郵過也夫郵而效之郵又甚焉效

郵非義也於是懷公自秦逃歸懷公公子圉也為質於秦魯僖二十二年逃歸

秦伯召公子於楚秦伯穆公也楚子厚幣以送公子於

秦秦伯歸女五人懷嬴與焉與音預下同。歸嫁也

歸立為懷公故曰懷嬴與焉與為媵也公子使奉匭沃盥既而揮之奉勇切匭音移又演爾切沃烏毒切盥古緩切嬴怒曰秦

晉匹也何以卑我匹敵也公子懼降服囚命懼嬴之

徹上服囚命自囚以聽命也秦伯見公子曰寡人之適此為才適歷切。適子圉也子圉之辱備嬪嬙焉嬪音墻。辱質於秦時嬪嬙婦官也欲

以成婚而懼離其惡名非此則無故言欲以成婚懼

離其惡名非有此則無它故不敢以禮致之歡之故也不敢以禮致

之而令與於五人歡愛此女之故。令力呈切下注同公子有辱寡人之罪謂

國語卷一

二即奇

降服也言寡人不備禮故令唯命是聽進退此女公

公子卑之此自寡人之罪子欲辭也。嫌於骨肉相取已欲辭讓不敢當司空季子

曰同姓為兄弟季子晉大夫胥臣曰季也後為司空

姓為兄弟謂同父而生得姓同者乃為兄弟以言惠

公重耳其禮不同則子圍道路之人可以取其女

黃帝之子二十五人其同姓者二人而已唯青陽與

夷鼓皆為已姓其二人相與同德故俱為已青陽方

雷氏之甥也夷鼓彤魚氏之甥也彤大冬切。方雷

魚國名帝繫曰黃帝取於西陵氏之子曰纍祖實其

生青陽姊妹之子曰甥聲雷纍同。纍或為嫫

同生而異姓者四母之子別為十二姓凡黃帝之子

二十五宗唐尚書云繼別為小宗非也繼別其得姓

者十四人為十二姓得姓以德居官而賜之姓也謂

故十姬酉祁已滕葳任荀僖姑儂依是也唯青陽與

倉林氏同於黃帝故皆為姬姓葳之林切任而林切

吉切儂音旋。二十五宗唯青陽同德之難也如是

與倉林德及黃帝同姓為姬也儂音熙或為釐姑奇

言德自黃帝同之難也如是昔少典取於有蟯氏生黃帝炎帝

驕切又居表切。賈侍中云少典黃帝炎帝之先有

姜水成

姬姜水名也成謂所生長以成功也

成而異德故黃帝為姬炎

帝為姜二帝用師以相濟也異德之故也

濟當為擠

曰黃帝戰於阪泉是也。擠子計切

異姓則異德異德則異類異類雖

近男女相及以生民也

重耳懷羸之舅故又言此以勸之也近謂有屬名也相及

相嫁

同姓則同德同德則同心同心則同志同志雖

遠男女不相及畏黷敬也

黷徒木切。畏

黷則生怨

怨亂毓災災毓滅姓

毓即育字毓生也

是故取妻避其同姓

畏亂災也故異德合姓同德合義

合姓合二姓為婚也合義以德義

親義以道利

道大到切。有義則利隨之

利以阜姓

阜厚也

姓利相

更成而不遷

更古衡切。更續也遷離散也

乃能攝固保其土房

持

也保守也

今子於子圍道路之人也

言德姓

取其所

棄以濟大事不亦可乎公子謂子犯曰何如對曰將

奪其國何有於妻唯秦所命從也

言將奪其國何辭於妻初奚齊卓子

死秦伯欲納重耳子犯難之以為不可今更言此者子圍無道害重耳使狐突召子犯及其兄毛突不召而殺之故重耳

子犯皆怨之

謂子餘曰何如

子餘趙衰字

對曰禮志有

之曰將有請於人必先有入焉

先悉薦切下同。欲必先有以自入也

人之愛已也必先愛人欲人之從已也必先從人無

德於人而求用於人罪也

言不先施德於人而求人為已用者是罪也。施式

鼓切下同今將婚媾以從秦重婚曰媾從其命也受好以愛之呼好

報切受其所好而親愛之聽從以德之使之德已懼其未可也又何

疑焉乃歸女而納幣且逆之歸女納幣更成婚禮逆親迎也

他日秦伯將饗公子公子使子犯從子犯曰吾不如

衰之文也從慈用切下同請使衰從乃使子餘從秦

伯饗公子如饗國君之禮子餘相如賓相息亮切

卒事秦伯謂其大夫曰為禮而不終耻也卒遵也

中不勝貌耻也勝當為稱中不

不度而施有華色而無實事

耻也度待洛切施而不濟耻也濟成也恥門不閉

不可以封五耻之門不閉塞者不可以封國為諸侯也非此用師則

無所矣非能閉此五耻之門則用師無所也二三子敬乎敬此五者明日燕

秦伯賦采叔采叔三章屬小雅王賜諸侯命服之樂也其首章曰君子來朝何錫予之雖無

子餘使公子降拜降下也秦伯

降辭子餘曰君以天子之命服命重耳重耳敢有安

志敢不降拜成拜卒登子餘使公子賦黍苗黍苗亦小雅道

邵伯述職勞來諸侯也其詩曰芄芄黍苗陰雨膏之悠悠南行邵伯勞之

子餘曰重耳之印君也若黍苗之印陰膏或音誥

雨也若君實庇廕膏澤之使能成嘉穀薦在宗廟君

之力也。印牛亮切或作仰君若昭先君之榮東行濟

河整師以復疆周室重耳之望也。先君謂秦襄公討西戎有功謂爵為

伯有榮耀也重耳若獲集德而歸載集成也使主晉

民成封國其何實不從。言實君若恣志以用重耳使用

征伐四方諸侯其誰不惕惕以從君命秦伯歎曰是

子將有焉豈專在寡人乎秦伯賦鳩飛鳩飛小雅小

詩曰宛彼鳴鳩翰飛戾天我心憂傷念昔先人明發不寐有懷二人言已念晉先君泊穆姬不寐以思安

集晉之君臣也詩序曰文公遭驪姬之難未反而秦姬卒言已念傷亡人思成公子也。死詩作苑難乃

旦公子賦河水河當作沔字相似誤也其詩曰沔彼

沔音緼秦伯賦六月六月小雅道尹吉甫佐宣王

朝馳遙切天子餘使公子降拜秦伯降辭子餘曰君稱所以佐

天子匡王國者以命重耳重耳敢有惰心敢不從德

天子匡王國者以命重耳重耳敢有惰心敢不從德

稱舉公子親筮之曰尚有晉國筮市制切。著曰筮

禮曰某子尚享得貞屯悔豫皆八也屯張倫切後九

之。著升脂切內曰貞外曰悔震下坎上屯坤下震上豫得此兩卦

震在屯為貞在豫為悔八謂震兩陰爻在貞在悔皆筮史占之皆曰不吉筮史筮人掌以

謂爻無為也筮史占之皆曰不吉筮史筮人掌以

名一夏連山二殷歸藏三周易以閉而不通又無為

也閉壅也震為動動遇坎坎為險阻司空季子曰吉

是在易皆利建侯建立也以周易占之二卦皆吉也

師吉侯行不有晉國以輔王室安能建侯我命筮曰尚有

晉國筮告我曰利建侯得國之務也吉孰大焉務猶趨也

又趨七朱切震車也易坤為大車震為動為雷今云

坎水也坤土也屯厚也豫樂也車班外內順以訓

之盧各切後並同。車雷也班徧也徧外內者謂

二與四泉原以資之資財也屯三至五豫二至四皆

坎水水在山上為土厚而樂其實不有晉國何以當

之屯豫皆有坤象重坤震雷也車也坎勞也水也眾

也易以坤為眾坎為水主雷與車內為而尚水與眾

故尚水與眾車有震武也震威也車聲斬眾而順文

也坤為眾為順為文象文武具厚之至也故曰屯屯

也其繇曰元亨利貞勿用有攸往利建侯

也亨通也貞正也攸所也往之也小主震雷長也故

曰元長展兩切下同。內為主震為長男眾而順嘉

也故曰亨嘉善也眾順服善故內有震雷故利貞內

有震賈侍中云震以動之利也侯以車上水下必伯

正國貞也利義之和也貞事之幹也伯音霸。車震也水坎也車動而上威也小事不濟

壅也故曰勿用有攸往濟成也小事小人之事壅震動而遇坎坎為險阻故曰勿

用有一夫之行也一夫一人也易曰震一索而得男故曰一夫一夫又曰震作足故為行也

衆順而有武威故曰利建侯覆述坤母也震長男也

母老子彊故曰豫豫樂也其繇曰利建侯行師居樂出

威之謂也居樂母在內也出威震在外也是二者得

國之卦也二者屯十月惠公卒十二月秦伯納公子

內傳魯僖二十三年九月晉惠公卒而此云十月賈侍中以爲閏餘十八閏在十二月後魯失閏以閏月

為正月晉以九月為十月而置閏也秦伯以十二月始納公子公子以二十四年正月入晉桑泉及

河子犯授公子載璧載祀也曰臣從君還軫巡於天

下惡其多矣巡行也臣猶知之而況君乎不忍其死請

由此亡亡奔也公子曰所不與舅氏同心者有如河水

沈璧以質如往也質信也言若不與舅氏同心不濟此河往而死也因沈璧以自誓為信董

因迎公於河因晉大夫周太史辛有之後也傳曰公辛有之二子董之晉故晉有董史公

問焉曰吾其濟乎對曰歲在大梁將集天行元年始

受實沈之星也歲在大梁謂魯僖二十三年歲星在大梁之次也集成也行道也言公將

成天道也公以辰出晉祖唐叔所以封也而以參入晉星也元年謂文公即位之年魯僖二十四年歲星

去大梁在實沈之次受受於大梁也自胃七度至畢十一度為大梁自畢十二度至東井十五度曰實沈

○參於實沈之虛晉人是居所所以興也虛音區或為墟。虛次也

是居居其分次所主祀也傳曰高辛氏有子季曰實沈遷於大夏主祀參唐人是因成王滅唐而封叔虞

南有晉水子燮改為晉侯故參為晉星。○分徒問切燮悉協切今君當之無不濟矣

當歲星在實沈之虛故無不成君之行也歲在大火大火闕伯之星

也是謂大辰君之行謂魯僖五年重耳出奔時歲在大火大火大辰也傳曰高辛氏有子曰

闕伯遷於商辰以成善后稷是相唐叔以封相息亮丘祀大火

善謂辰為農祥周先后稷之所經緯以成善道相視也謂祀農祥以戒農事封者唐叔封時歲在大火

瞽史記曰嗣續其祖如穀之滋必有晉國瞽史記云唐叔之世

將如商數今言嗣續其祖明趣同也言晉子孫將繼續其先祖如穀之蕃滋故必有晉國臣筮之

得泰之八乾下坤上泰遇泰無動爻筮為侯泰三至五震為侯陰爻不動其數皆八故得泰之

八與貞屯悔豫皆八義同曰是謂天地配亨小往大來陽下陰升故曰配亨

小諭子圍大諭文公陰在外為小往陽在內為大來今及之矣何不濟之有且

以辰出而以參入皆晉祥也辰大火也參伐也參在實沈之次而天

之大紀也所以大紀天時也傳曰大火辰辰時也濟且秉成必

霸諸侯秉執也子孫賴之君無懼矣公子濟河召令狐

曰衰桑泉皆降降戶江切。二者皆晉邑召召其長也晉人懼懷公奔

高梁高梁晉地呂甥冀芮帥師甲午軍於廬柳師所律切甲午魯

僖二十四年二月六日廬柳晉地軍猶屯也。屯徒門切。秦伯使公子繫如師繫音質。

入切。告師退次於郇郇音詢。郇晉地。退師聽命也。辛丑狐偃及

秦晉大夫盟于郇壬寅公入於晉師甲辰秦伯還還音還。

旋。秦伯送公子於河上公人而還。丙午入於曲沃丁未入於絳即位

於武宮戊申刺懷公於高粱刺殺也。

初獻公使寺人勃鞞伐公於蒲城勃步忽切鞞下弓切。勃鞞寺人披也。伐蒲城在魯僖五年。文公踰垣勃鞞斬其袪袪袪也。袪減制也。袪魚切。袪袪也。袪減制也。

切。及入勃鞞求見公辭焉曰驪姬之讒爾射予于屏

內射食亦切屏必領切。屏謂之屏禮諸侯內屏。困余於蒲城斬余衣袪又

為惠公從余于渭濱濱涯也。重耳在翟從翟君獵于渭濱。勃鞞為惠公就殺之。從

慈用命曰三日若宿而至命使三日一宿而至若汝也。若干二命

以求殺余于犯也。二命獻惠之命。余於伯楚屢困何舊怨也伯楚

勃鞞字也。屢數也。數見困。退而思之異日見我對曰

吾以君為已知之矣故入知為君為臣之道也。入反國也。猶未之知

又將出矣猶未知之。將復失國出矣。事君不貳是謂

臣好惡不易是謂君好呼報切惡烏路切。下同。易反也。君君臣臣

是謂明訓訓教也。明訓能終民之主也二君之世蒲人

翟人余何有焉當獻惠之世君為蒲人翟人耳。二君之所惡也。於我有何義而不殺君乎。

國語卷十 一 葛率

除君之所惡唯力所及何貳之有今君即位其無蒲

翟乎獨無有所畏惡伊尹放太甲而卒以為明王卒

聿切。太甲湯孫太丁子也。不明而伊尹放之。桐宮三年太甲改過伊尹復之卒為明王。管仲賊

相公而卒以為侯伯賊謂為子糾射相也。射食亦切。乾時之役申

孫之矢集於相鉤乾居寒切。鉤古侯切。乾時之戰在魯莊九年申孫矢名鉤帶鉤也。

鉤近於祛而無怨言近害近也。鉤在手。祛在手。佐相以終成令名

今君之德宇何不寬裕也宇覆也。覆芳富切。惡其所好其能

久矣言也。忠臣君所常好而反惡之能久為君乎。君實不能明訓而棄民

主棄為民主之道。余臯戾之人也又何患焉勃鞞闕士故曰臯戾之人。闕

方廉切。且不見我君其無悔乎於是呂甥冀芮畏傷悔

納公謀作亂此二子本惠公黨畏見逼害故謀作亂。將以已丑焚公宮

已丑魯僖二十四年三月朔時以為二月晦。公出救火而遂殺之伯楚知

之故求見公公懼遽見之遽其據切。遽疾也。曰豈不如女言

然是吾惡心也女音汝。惡如字。惡心惡謂不怨也。吾請去之伯楚

以呂卻之謀告公公懼乘駟自下脫會秦伯於王城

駟人質切。駟傳也。自從也。下下道也。脫會道行潛逃之言也。王城秦河上邑。傳竹戀切。告之

亂故及已丑公宮火二子求公不獲遂如河上秦伯

誘而殺之

文公之出也豎頭須守藏者也不從藏才浪切。豎

須也。公出不從。竊藏以逃。盡用以求納公。見房孚切。按韓詩外傳云。晉文公過曹里。鳧須從。因盜重耳

子推割股以食重耳。無糧餒不能行。介公入乃求見公辭焉。

以沐謂謁者曰沐則心覆覆方復切。謁告也。覆反也。沐低頭故言心反也。

心覆則圖反宜吾不得見也從者為羈繼之僕繼音薛。

馬曰羈犬曰繼言二者臣僕之役也。居者為社稷之守何必臯居者國

君而讎匹夫懼者眾矣謁者以告公遽見之告古毒切。

元年春公及夫人羸氏至自王城文公元年魯僖二十四年賈侍中云

是月失閏以三月為四月故曰春而不言其月明四月為春分之月也。羸氏秦穆公女文嬴也。或云夫人

辰羸也。傳曰辰羸賤班在九人非夫人也。賈得之。秦伯納衛三千人實紀綱

之僕所以設國紀綱也。公屬百官賦職任功屬會也。賦授也。

授職事任有功也。棄責薄斂施舍分寡斂力欠切。施式鼓切。舍音捨。棄責除宿

責也。施德也。舍舍也。救乏振滯匡困資無救乏救乏。振極

也。極淹滯之士匡正也。正輕關易道通商寬農。輕關

窮困之人資無子無財者。輕關易道通商寬農。輕其

稅也。易道除盜賊也。通商利商。茂稽勸分省用足財

旅也。寬農寬其政不奪其時。茂稽勸分省用足財

分無也。省減減國用也。足財備凶年也。利器明德以厚民性利器器用也。明德明德。舉善援能官方定

物其常官以定百事。正名育類正名正上下服位之類善也。

昭舊族昭明也舊族舊臣有功者之族**愛親戚明賢良**明顯也**尊**

貴寵國之貴臣尊寵之**賞功勞事耆老禮賓旅**音苟也**友**

故舊故舊為公**胥籍狐箕藥卻栢先羊舌董韓寔掌**

近官諸姬同姓也**異姓之能掌其遠官**遠官縣**公食貢**

大夫食邑士食田受公也**庶人食力**各由**工商食官**百

工商官賈也周禮府藏皆有賈人以知物賈食官官稟之賈上二字音古下音嫁藏才浪切稟力錦切

是賦祿之名非倉廩也**阜隸食職**阜才早切士臣

周禮稍食注祿稟是也**官宰食加**官宰家臣也加大夫之家

食職各以其職大小食祿也

宰政平民阜財用不匱阜安也

冬襄王避昭叔之難居於鄭地汜難乃旦切下同汜

汜在襄城即周襄王所出南汜也或音似非。文公元年冬也襄王周惠王之子昭叔襄王弟犬叔帶也

是為甘昭公故曰昭叔惠王生襄王以為犬子又娶於陳曰惠后生昭叔惠后将立之未及而卒昭叔奔

齊襄王復之又通於襄王之后翟懼王廢隗氏翟人伐周故襄王避之於汜汜地名。天他蓋切**使**

來告難亦使告於秦使所吏切告晉亦使左駟父告

秦。駟子犯曰民親而未知義也**君**

於晚切**盜納王以教之義**使知尊**若不納秦將納之則失周**

矣失所以**何以求諸侯**無以為諸侯盟主**不能脩身而又不**

能宗人人將焉依

宗尊也

繼文之業定武之功

文晉文侯仇也

平王東遷文侯輔之受圭瓚秬鬯武重耳之祖武公稱也始并晉國。瓚才旦切。秬曰許切。鬯救亮切。

啓土安疆於此乎在美君其務之

在此納

公說乃行

賂于草中之戎與麗土之翟以求東道

說古悅字下同麗狼狄切

或為酈。二邑戎翟間在晉東

二年春公以二軍下次于陽樊

二軍左右

軍也東行曰下陽樊周邑

右師取昭叔于温殺之于隰城

隰許立切温

隰城皆周地也昭叔通翟后與俱處温故取殺之。處啟呂切

左師迎王于鄭王入

于成周遂定之於郊

郊古洽切。成周東都郊王城也

王饗醴命公

昨侑

昨音祚侑音佑。饗設饗禮也傳曰戰克而王饗饗醴飲醴酒也命加命服也昨賜祭肉也侑

侑幣謂既食以束帛侑公

公請隧弗許

二君云隧王之塋禮昭謂隧六隧之地事見周語

曰王章也

章表也所以表明天子與諸侯異物

不可以二王

國無二王無若

政何

無以為

賜公南陽陽樊温原州陘絺鉏攢茅之

田

陘奚經切攢才官切。八邑周之

鉏仕魚切南陽地

陽人不服

不肖屬晉

圍之將殘其民倉葛呼曰

呼火故切。倉葛陽樊人

君補王闕以

順禮也

補王失位之闕以順為臣之禮

陽人未狎君德

狎習也

而未敢

承命君將殘之無乃非禮乎陽有夏商之嗣典有周

室之師旅

典法也旅衆也言有夏商之後嗣及其遺法與周室之師衆

樊仲之官

守焉

樊仲宣王臣仲山甫也食采於樊。采七代切

其非官守則皆王之父

兄甥舅也君定王室而殘其姻族民將焉放馬於虔切放方

往切。放依也。敢私布之於吏布陳也吏軍吏也唯君圖之公曰君

子也乃出陽人出降也。降同。戶江切下同。又公伐原原不服故伐之令以

三日之糧三日而原不降公令疏軍而去之去羌呂切下同

徹。疏徹也。直列切。謀出曰原不過一二日矣謀徒協切。謀間候也。

間居切。軍吏以告公曰得原而失信何以使人夫信民

之所庇也不可失也庇廕也乃去之及盟門而原請降

盟門原地也請降。退一舍而請降。

文公十四年楚成王伐宋四年魯僖二十七年冬也。宋背楚事晉故楚伐之。

晉音公率齊秦伐曹衛以救宋魯僖二十八年春晉侯侵曹伐衛傳曰楚

始得曹而宋人使門尹班告急於晉班內傳作般亦音班告古毒切

下同。門尹公告大夫曰宋人告急舍之則宋絕音舍

捨下同。舍不救宋則宋降楚與我絕也。告楚則不許我告謂請宋於楚楚不許我

欲擊楚齊秦不欲其若之何先軫曰不若使齊秦主

楚怨先軫晉中軍原軫也主楚怨為公曰可乎先軫

曰使宋舍我而賂齊秦使宋置晉獨賂齊秦藉之告楚藉慈夜切。藉

與齊秦之勢我分曹衛之地以賜宋人楚愛曹衛必

不許齊秦齊秦本與晉俱伐曹衛今晉分其地楚必不許齊秦之請齊秦不得其

請必屬怨焉屬結也然後用之蔑不欲矣蔑亡結切。用用齊秦也。

也公說是故以曹田衛田賜宋人說古悅字。衛侯欲與楚國人

不欲故出其君以詭於晉衛侯出居襄牛晉侯執曹伯分曹衛之田以畀宋人。畀必利切。令尹

子玉使宛春來告宛於元切又於阮切。宛春楚大夫。曰請復衛侯

而封曹臣亦釋宋之圍釋解也舅犯愠曰子玉無禮哉

臣取二君取一必擊之愠怒也。臣子玉也。君文公也。二謂復曹衛一謂釋宋圍。

先軫曰子與之與許也我不許曹衛之請是不許釋宋

也宋眾無乃彊乎不許釋宋宋降於楚其眾益彊。降戶江切。是楚一言

而有三施子一言而有三怨施式鼓切。三曹衛宋也。怨已多矣

難以擊人不若私許復曹衛以攜之攜離也執宛春以

怒楚怒楚令必戰。令力呈切。既單而後圖之圖圖復曹衛公說是故

拘宛春於衛子玉釋宋圍從晉師楚師陳晉師退舍

軍吏請曰以君避臣辱也陳直覲切。時楚王避元公之德入於申使子玉去

宋子玉不肯固請戰故云避臣且楚師老矣必敗何故退老久也。圍宋久與師

罷病。罷通作疲。子犯曰二三子忘在楚乎言在楚時許退三舍偃也

聞之戰鬪直為壯曲為老若韓之戰秦師少而鬪士眾晉曲秦直故能敗晉

未報楚惠而抗宋我曲楚直抗救也其眾莫不生氣不

可謂老若我以君避臣而不去彼亦曲矣退三舍避

楚楚衆欲止子玉不肯至於城濮果戰楚衆大敗

衛地君子曰善以德勸善先軫子犯也

文公誅觀狀以伐鄭反其埤埤婢支切又扶移切多作埤。賈侍中云鄭復效曹觀公駢脅之狀故伐之唐尚書云誅曹觀狀之

臯還而伐鄭昭省內外傳鄭無觀狀之事而叔詹云

天禍鄭國使淫觀狀謂淫放於曹不禮公子與觀狀

之臯同耳反撥也埤城上女垣僖三十年秋秦伯晉

侯圍鄭。放鄭人以名寶行成公弗許曰予我

詹而師還予音與下同還音旋。詹鄭卿叔詹伯也詹請往鄭伯弗許鄭伯鄭文公也詹固請曰一臣可以赦

百姓而定社稷君何愛於臣也鄭人以詹予晉人晉

人將亨之亨匹庚切。亨煮也詹曰臣願獲盡辭而死固所願

也公聽其辭詹曰天降鄭禍使淫觀狀棄禮違親淫放

也放曹國不禮於君臣曰不可夫晉公子賢明其左右皆卿才

若復其國而得志於諸侯禍無赦矣今禍及矣尊明

勝患知也知音智。明謂公子勝猶暹也殺身贖國忠也乃就亨據

鼎耳而疾號曰自今以往知忠以事君者與詹同乃

命弗殺厚為之禮而歸之禮禮也鄭人以詹伯為將軍

晉國饑公問於箕鄭箕鄭晉大夫曰救饑何以對曰信公

曰安信對曰信於君心不以愛憎誣人以善惡是為信於心信於名名

官尊卑之號。信於令，信於事。謂使民事各得其時。公曰：然則若何對？

曰：信於君心，則美惡不踰。不相踰也。信於名，則上下不

干。干犯也。信於令，則時無廢功。不奪其時也。信於事，則民

從事有業。業猶次也。於是乎民知君心貧而不懼，藏出如

入，何匱之有？藏才浪切。出其帑藏以相振救也。帑天明切。公使

為箕。為箕大夫。及清原之蒐，使佐新上軍。蒐踈鳩切。清原之蒐在魯僖

三十一年秋。

公問元帥於趙衰。師所類切。元帥上卿。對曰：郤穀可行，年五

十矣。穀胡木切。郤穀晉大夫行歷也。守學彌惇。惇覩昆切。彌益也。惇厚也。夫

先王之法，志德義之府也。志記也。夫德義生民之本也。

能惇篤者，不忘百姓也。請使郤穀，公從之。公使趙衰

為卿，辭曰：欒枝貞慎。枝晉大夫欒共子之子貞子也。共音恭。先軫有謀

胥，臣多聞，皆可以為輔，臣弗若也。乃使欒枝將下軍。

先軫佐之。將子匠切。下篇並同。此述初耳。在城濮戰前也。取五鹿，先軫之

謀也。五鹿衛地。郤穀卒，使先軫代之。從下軍之佐超將也。上軍傅曰尚德也。胥

臣佐下軍。代先軫也。

公使原季為卿。原季趙衰也。文公二年為原大夫卿次卿也。辭曰：夫三德

者，偃之出也。偃狐偃也。賈唐云：三德欒枝、先軫、胥臣也。皆狐偃所舉。虞云：三德為勸文公納。

襄王以示臣義伐原以示信大蒐以示民禮故以三德紀民昭謂樂枝等皆趙衰所進非狐偃也三德紀民之語在下虞得之以德紀民其章大矣不可廢也章著使狐

偃為卿辭曰毛之知賢於臣其齒又長知音智長展兩切。毛偃

也之兄毛也不在位不敢聞命乃使狐毛將上軍狐偃

佐之尚助也上軍或言新上軍非也時未有新軍狐

毛卒使趙衰代之昭謂代將上軍辭曰城濮之役

先且居之佐軍也善且子余切下且居並同。先且居先軫之子蒲城伯也後受霍

為霍軍伐有賞伐功善君有賞能其官有賞以道事其君賴

其功當有賞能領治其官職使不謬誤君得以尊民得以寧當有賞也且居有三賞不

可廢也言且居有是三德得此且臣之倫箕鄭胥嬰

先都在倫伍也三子晉大夫乃使先且居將上軍代狐公曰趙

衰三讓三使為卿三讓之進藥枝等八人其所讓皆社稷之衛也廢

讓是廢德也以趙衰之故蒐於清原作五軍清原晉地晉本

有上軍有中軍有下軍今有五軍新上下也使趙衰將新上軍箕鄭佐之

胥嬰將新下軍先都佐之子犯卒蒲城伯請佐或云蒲城

伯狐毛也賈侍中云蒲城伯先且居也昭謂上章狐毛已卒使先且居代之賈得之矣公曰趙

衰三讓不失義義宜讓推賢也義廣德也德廣賢至

有何患矣請令衰也從子從從先且居乃使趙衰佐新上

軍

此有新字誤也趙衰佐新上軍之將進佐上軍為升一等新上軍之將位在上軍之佐下此二章或在狐毛卒上非也當在下

文公學讀書於臼季三日

臼季胥臣也

曰吾不能行也咫

咫咫尺也

聞則多矣對曰然而多聞以待能者不猶愈

乎

使能者行之不猶愈於不學乎

文公問於郭偃

郭偃卜也

曰始也吾以國為易

易以鼓切也

易治也

今也難對曰君以為易其難也將至矣

以為易而輕忽

之故其難將至

君以為難其易也將至矣

以為難而勤修之故其易將至

文公問於胥臣曰吾欲使陽處父傳謹也而教誨之

其能善之乎

謹呼官切內傳作驪大夫陽子也謹文公子襄公名

對曰

是在謹也蘧蔎不可使俛

蘧音渠蔎音除

戚施

不可使仰

戚施倮人不可使仰

焦僂不可使舉

焦在遙切或音

焦僂吾聊切。倮兩舉切。長三尺不可使舉重

侏儒不可使援

侏章俱切內傳作朱。侏儒短

者不可使抗援 矇矂不可使視

矇莫紅切矂素口切。有眸子而無見曰矇無眸子曰矂

嚚瘖不可使言

嚚五巾切瘖於金切。口不道忠信之言為嚚瘖不能言者

聾瞶

不可使聽

聾五拜切。耳不別五音之聾曰聾

僮昏不可使謀

僮無知昏闇亂也

質將善而賢良贊之則濟可矣也

矣通作

質性將自善而賢良之傳贊導之則其成就可立矣也

若有違質

違邪也 教將不

入不入其心其何善之為言不能使善臣聞昔者大任娠文王

不變大他蓋切下同任而林切娠振申少濇于豕牢

而得文王不加病焉少詩照切濇音騷按此字又有

訓便也所九者說文解為沃沃也然則騷擾二音並

通李舟切韻無騷音從說文也少濇於廁而得文

牢廁也言大狂之生文王時如小濇於廁而得文

王不加病痛言其易也便步延切易以鼓切文

王在母不憂在母子時體不在傳弗勤處師弗煩事

王不怒處敞呂切。奉事敬友二號善兄弟為友二

號叔也而惠慈二蔡惠愛也三君云二蔡文刑于犬妣

也妣祥里切。刑法比于諸弟比毗志切。比親詩云

也犬妣文王妃刑于寡妻至於兄弟以御於家邦詩大雅思齊之二

謂犬妣御治也於是乎用四方之賢良以自及其即位也詢

於八虞詢謀也賈唐云八虞周八士皆在虞官伯達

活切突徒沒而咨於二號咨謀度於閔天而謀于南

宮度待洛切閔胡盲切天於表切又於遙諏于蔡原

而訪于辛尹諏子須切。諏訪皆謀也蔡蔡公重之

以周召畢榮重直用切召上照切。周周文億寧百

神億安而柔和萬民柔安故詩曰惠於宗公神罔時

恫恫音通。亦思齊之二章也惠順也宗公大臣也

無怨痛是則文王非專教誨之力也言因體也公曰然則

教無益乎對曰胡為文益其質為于偽切。言有美質加以文采乃善

故人生而學非學不入不入不入於道公曰奈夫八疾何八疾

籒籒至對曰官師之所材也師長也材古裁字。長展兩切戚施直

鑄鑄音博。直主擊鑄鑄鍾也籒籒蒙璆璆巨牛切又巨幽切尚書說文但作求通作球

。蒙戴也璆玉磬也不能俛故使之戴磬侏儒扶盧扶綠也盧矛戟之秘綠之以為戲。秘音

秘無目於音聲瞽瞍修聲審故使修之聾聵司火耳無聞於視則審故使主火

僮昏嚚瘖僂官師所不材也材不能用也以實裔土裔荒裔

也裔也夫教者因體能質而利之者也有能才也因其身體有質可成濟者就

而通若川然有原以印浦而後大印牛嫁切孔本作仰牛亮切按注曰

迎則迓音歟。印迎也言川有原因開利迎之以浦然後大也

文公即位二年更言此者終述善文公之事欲用其民用用征子

犯曰民未知義未知尊上之義盍納天子以示之義天子避子帶之

難在鄭地尼。難乃且切汜扶巖切經典音凡乃納襄王於周公曰可矣乎

對曰民未知信盍伐原以示之信乃伐原信謂上令以三日之

糧糧盡不降命去之。曰可矣乎對曰民未知禮盍降戶江切去羗呂切

大蒐備師尚禮以示之蒐所以明尊卑順少長習威儀也。少詩照切長展兩切

乃大蒐於被廬被廬晉地名作三軍唐尚書云立新軍之上下也昭謂此章言

文公之初未有新軍使郤穀將中軍以為大政大政謂掌國政也郤溱

佐之溱側巾切。郤溱晉大夫。郤至之先或云溱即至非也。子犯曰可矣遂伐

曹衛在魯僖二出穀戍釋宋圍敗楚師於城濮於是

乎遂伯伯音霸。穀齊地也。魯僖二十六年楚伐齊取穀使申公叔侯戍之二十七年楚圍宋晉

伐曹衛以救之二十八年楚使申叔去穀子玉去宋避晉畏其疆也

國語第十

國語第十一

晉語

曰季使舍於冀野白季胥臣也。冀晉邑郊外曰野。冀缺耨其妻饁之

耨乃豆切。饁於輒切。冀缺郤之子也。耨苾也。野饋曰饁。詩云饁彼田畝。苾呼高切。或作薶。拔田草也。

敬相待如賓夫婦相敬如賓也。從而問之冀芮之子也與之

歸既復命而進之曰臣得賢人當以告文公曰其父

有臯可乎告古毒切。文公元年冀芮畏偏與呂卻謀弒公焚公宮秦伯殺之故也。對曰

國之良也滅其前惡滅除也。是故舜之刑也殛鯀其舉

也興禹殛紀力切。鯀古本切。殛誅也。鯀禹父。今君之所聞也齊桓親

舉管敬子其賊也

敬子管子之諡

公曰子何以知其賢也對

曰臣見其不忘敬也夫敬德之恪也恪於德以臨事

其何不濟公見之使為下軍大夫

在文公時而於此言之者以襄公能

繼父志用冀缺也傳曰襄公以父命賞胥臣曰舉卻缺子之功也以一命命卻缺為卿復予之冀故云冀

缺。復扶又切。予音與

陽處父如衛反過甯

過古禾切。處父晉太傅陽子也如衛聘衛也在魯文五年甯

晉邑今河內修武是也

舍於逆旅甯嬴氏

嬴音盈。旅客也逆客而舍之也嬴其姓

嬴謂其妻曰吾求君子久矣乃今得之舉而從之

起

也陽子道與之語及山而還

還音旋。山河內温山傳曰及温而還

其

妻曰子得所求而不從之何其懷也

懷思也

曰吾見其

貌而欲之聞其言而惡之夫貌情之華也

惡鳥路切。容貌者

情之華采

言貌之機也

言語者容貌之樞機

身為情

情生於身也

成於中

言身之文也言文而發之合而後行離則有釁

釁許

合謂情也貌也言也三者合而後行釁隙也

今陽子之貌濟其言匱非其

實也

濟成也言不副貌為匱匱乏也

若中不濟而外彊之

彊羗兩切。謂情不

足而貌彊為之

其卒將復

卒遵聿切。復反也反其情也

中外易矣

易猶異也

外內類而言反之瀆其信也

類善也瀆輕也

夫言以昭信奉

之如機

如樞機之相應

歷時而發之

言思察之詳親

胡可瀆也今陽

子之情譏矣

譏音惠。譏辨察也。

以濟蓋也

濟成也。成其容貌以蓋其短也。

且

剛而主能

主上也。言性剛直而高尚其材能也。

不本而犯怨之所聚也

不本行不本仁義也。犯犯人也。

吾懼未獲其利而及其難是故去之

期年乃有賈季之難陽子死之

難乃旦切。去義呂切。期居期切。賈季晉大夫狐偃之子射姑也。食采於賈字季。定唐尚書云。晉蒐於夷舍二軍。昭謂物晉作三軍。魯文五年。晉四卿卒。至六年。晉蒐於夷舍二軍。領放國之制。狐射姑將中軍。趙盾佐之。陽子至自温。改蒐於董。使趙盾將中軍。射姑佐之。射姑怨陽子之易其班也。使狐鞫居殺陽處父而奔翟。射盈隻切。采倉代切。它徒何切。

將子匠切。盾徒本切。凡後同。圍居六切。

趙宣子言韓獻子於靈公以為司馬

宣子晉正卿趙衰之子。宣孟盾

也。獻子韓萬之玄孫。子鎮之子。厥也。靈公襄公子夷臯也。司馬為軍吏矣。

河曲之役

河曲晉地。

魯文十二年秦伐晉。戰於河曲。

趙孟使人以其乘車于行

乘實證切。行戶郎切。

趙孟宣子也。干犯也。行軍列也。

獻子執而戮之。衆咸曰韓厥必不

沒矣

沒終也。

其主朝升之而莫戮其車

莫古暮字。其主人車車僕也。

獻子因趙盾以為主盾升之於公朝。莫踰遠也。

其誰安之。宣子召而禮之曰

吾聞事君者比而不黨

比毗志切。下同。比義也。阿私曰黨。

夫周以

舉義比也

忠信曰周。

舉以其私黨也。夫軍事無犯犯而不

隱義也

任公為義。

吾言汝於君。懼汝不能也。舉而不能黨

孰大焉。事君而黨。吾何以從政。吾故以是觀汝

觀汝能否。

汝勉之苟從是行也勉之始終其志是行今所行也臨長晉國者非

汝其誰長帥也。臨監也。皆告諸大夫曰二三子

可以賀我矣吾舉厥也而中吾乃今知免於罪矣古

毒切。丁仲切。

宋人殺昭公殺申志切下同。宋人宋成公之子文公鮑也。昭公鮑之兄杵臼也。殺昭公在

魯文十六年。趙宣子請師於靈公以伐宋公曰非晉國之

急也對曰大者天地其次君臣所以為明訓也言尊卑各

得其所以。今宋人殺其君是反天地而逆民則也

則法。天必誅焉晉為盟主而不脩天罰脩行也。將懼及

焉公許之乃發令於太廟召軍吏而戒樂正正長也。軍吏主

鼓師旅樂正主鍾。鼓。長展兩切。令三軍之鐘鼓必備趙同曰國有大

役役事也。趙同盾勇。晉大夫原同也。不鎮撫民而備鐘鼓何也宣子

曰大罪伐之小罪憚之憚懼也。襲侵之事陵也輕曰襲。無鍾鼓

曰侵陵以是故伐備鐘鼓聲其罪也以聲章其罪也。戰以錙

于丁寧倣其民也錙音純。錙于形如碓頭與鼓相和。丁寧謂鉦也。倣戒也。唐尚書云

錙于錒也非也錒與錙于各異物。襲侵密聲為

斲事也斲音暫。斲其無備。今宋人殺其君罪莫大焉明聲

之猶恐其不聞也吾備鐘鼓為君故也為欲尊明君道也。乃

使旁告於諸侯治兵振旅鳴鐘鼓以至於宋振奮也

魯文公十七年

靈公虐趙宣子驟諫虐厚斂以雕牆支解宰夫之公

患之患疾也使鉏麇賊之鉏音鋤麇音迷又音倪晨往

則寢門辟矣辟步亦切盛服將朝蚤而假寐盛音成

切下同。不脫冠帶而寐曰假寐麇退歎而言曰趙孟敬哉言夙興敬恪也

夫不忘恭敬社稷之鎮也鎮重也賊國之鎮不忠受命

而廢之不信享一名於此不若死享受也殺之為不忠不殺為不信故

得一觸廷之槐而死廷外朝之廷也周禮王之外朝名也

槐三卿位焉靈公將殺趙盾不克魯宣二年秋晉侯欲趙盾酒伏甲將攻之盾覺

而亦故不克趙穿攻公於桃園趙穿晉大夫趙夙之子穿也桃園園名

逆公子黑臀而立之寔為成公魯宣二年秋晉侯欲趙盾酒伏甲將攻之盾覺

名。從慈用切逆公子黑臀而立之寔為成公魯宣二年秋晉侯欲趙盾酒伏甲將攻之盾覺

○逆迎也迎於周也黑臀晉文公子襄公弟成公黑臀也

卻獻子聘於齊獻子晉卿卻缺之子克齊頃公使婦

人觀而笑之頃音傾卻子跛齊頃公帷婦人使觀

卻獻子怒歸請伐齊范武子退自朝朝馳遙切下篇

正卿士曰燮乎吾聞之燮蘇接切。燮武子之子文子也千人之怒必獲毒焉夫卻子之怒甚矣不逞於齊必發諸晉國

逞快也不快心以伐不得政何以逞怒得政為余將

致政焉以成其怒致歸也無以內易外也爾勉從二三

子以承君命唯敬二三子晉諸卿也承奉也乃老乃告老也

范文子莫還於朝武子曰何莫也對曰有秦客廋辭

於朝莫古暮字廋所留切。廋隱也謂以隱伏諱詭言聞於朝也東方朔曰非敢試之乃與為隱

耳是也。諱古穴切詭古委切大夫莫之能對也吾知三焉解其武

子怒曰大夫非不能也讓父兄也父兄長老也爾童

子何知而三掩人于朝掩蓋也吾不在晉國亡無日矣

擊之以杖折委笄折之設切笄古兮切下靡笄同。委委貌冠也笄簪也。簪側金切

靡笄之役韓獻子將斬人靡或音摩。靡笄齊山名魯成二年晉卻克伐齊從

齊師於靡笄之下戰於鞍獻子時為司馬將斬人以戮罪在可赦之者卻獻子駕將救

之至則既斬之矣卻獻子請以徇其僕曰子不將救

之乎獻子曰敢不分謗乎言欲與韓子分謗共非也言能如此故從事不乖

靡笄之役卻獻子傷傷於矢也傳曰流血及屨未絕鼓音曰余病喙

穢切。喙短氣貌張侯御曰三軍之心在此車矣張侯晉大夫解張也

在此車謂車進則進車退則退也。解古買切其耳目在於旗鼓耳聽鼓音目視旗表

車無退表鼓無退聲表旌旗也車表鼓音進退異數軍事集矣集成也

吾子忍之不可以言病受命於廟將行告廟受戒命也受賑於

社服市忍切。服宜社之肉盛。以蜃器。盛音成。蜃服音同。甲冑而効死戎之政

也帶甲纓冑死而後。已此兵之常政。病未若死祇以解志解古買切。祇適也。

乃左并轡右援枹而鼓之馬逸不能止三軍從之音枹

奔也孚。逸。齊師大敗逐之三周華不注之山。周匝也。華齊地不注。

靡笄之役卻獻子師勝而反范文子後入文子時。武

子曰燮乎女亦知吾望爾也乎女音汝。兵凶事文。後人故武子憂望。

也對曰夫師卻子之師也。又為元帥。其事滅滅善也。謂

若先則恐國人之屬耳目於我也故不敢屬之。玉切。

注也屬猶。武子曰吾知免矣。知免於咎。

靡笄之役卻獻子見公曰子之力也夫見賢遍切。下同。力功也。

對曰克也以君命命三軍之士三軍之士用命克也

何力之有焉范文子見公曰子之力也夫對曰燮也

受命於中軍以命上軍之士上軍之士用命燮也何

力之有焉樂武子見武子晉卿樂枝之孫樂盾之子。書也。時將下軍。樂盧官切。將

公曰子之力也夫對曰書也受命於上軍以命

下軍之士下軍之士用命書也何力之有焉

靡笄之役也卻獻子伐齊齊侯來齊侯來以靡笄之役故服而朝晉便。

國語卷二十一

也。在魯成三年。獻之以得隕命之禮。隕於敏切。獻致饗也。獻籩豆

之數如征伐所獲國君之獻禮也。以得言不得也。伐國獲君若秦獲晉惠是為隕命。今齊雖敗，頃公不見

得非隕命也。故苗棼皇以郤克不知禮。司馬法曰：其有隕命行禮如會所爭，義不爭利也。棼扶云切。

曰：寡君使克也不腆弊邑之禮，為君之辱，敢歸諸下。

執政以愁御人。腆，士典切。愁，牛刃切。歸饋也。執政執事也。愁，願也。御，人婦人也。願，以此

報君御人之笑已者。苗棼皇曰：郤子勇而不知禮。楚鬬伯棼之

也。矜其伐而耻國君。矜，大也。其與幾何？言將不

梁山崩。梁山，晉望也。崩，在魯成五年。以傳召伯宗。傳，竹絹切。下同。

晉大夫孫伯糾之。遇大車當道而覆。大車，牛車也。立而辟

之曰：辟傳。辟，上步亦切。下音避。辟使下道避傳車。對曰：傳為速也。若疾

吾辟之，則加遲矣。加，益也。不如捷而行。旁出。伯宗喜，問

其居曰：絳人也。絳，晉國都。伯宗曰：何聞曰梁山崩而以傳

召伯宗？伯宗問曰：將若何？對曰：山有朽壞而自崩，將

若何？朽，腐也。不言政失所為而稱。夫國主山川，主，為

主也。孔子曰：夫故川涸，山崩，君為之降服出次。涸，竭

竭，則山崩降服。縞，素也。出，次，次於郊也。縞，古老切。乘縵不舉策於上帝。縵，莫

文告於上帝。周禮四鎮五嶽崩，命去樂。古，古毒切。

同。國三日哭以禮焉。以禮於神也。周禮雖伯宗亦其

詩賦

如是而已其若之何問其名不告請以見弗許見賢遍切

於君以見伯宗及絳以告而從之以車者之言告君君從之

伯宗朝以喜歸朝馳逞切下同朝罷而歸有喜色其妻曰子貌有喜

何也曰吾言於朝諸大夫皆謂我知似陽子知音智知辨

智也陽子處父也對曰陽子華而不實主言而無謀也主尚是

以難及其身子何喜焉伯宗曰吾飲諸大夫酒而與

之語爾試聽之曰諾既飲其妻曰諸大夫莫子若也

然而民不能戴其上久矣難乃旦切下同飲於鳩切語魚據切戴奉也上賢

也才在人上也難必及子子益亟索士愁庇州犁焉索所白切愁魚

僅切犁力之切又力兮切也愁願也庇覆也州犁伯宗子伯州犁也得畢陽畢陽

也晉士及欒弗忌之難諸大夫害伯宗將謀而殺之弗欒

忌晉大夫伯宗之黨也三郤害弗忌故諧畢陽實送

州犁於荆荆楚也犁奔楚為大宰

國語第十一

國語第十二

晉語六

趙文子冠

冠古亂切下注同。文子趙盾之孫趙朔之子趙武也冠謂以士禮始冠

見樂

武子武子曰美哉

武子樂書也禮既冠奠贄於君遂以贄見於卿大夫先生美美成人

也昔吾逮事莊主

莊莊子趙朔之諡也大夫稱主趙朔嘗將下軍樂書佐之。將子匠

切華則榮矣實之不知請務實乎

榮者有色貌也實之不知華而不實

也見中行宣子宣子曰美哉

行戶即切凡後中行並同。宣子晉大夫中行

相子之子荀庚也

惜也吾老矣

惜已年老不見文子德所至也

見范文子

文

范熒也。蘇接切

文子曰而今可以戒矣夫賢者寵至而益

戒不足者為寵驕知不足者得寵而驕故興王賞諫臣逸王罰

之吾聞古之王者政德既成又聽於民詢於芻蕘聽

初俱切於是乎使工誦諫於朝朝馳逞切下同

如堯切在列者獻詩使勿堯堯丁侯切列位也謂

諫之語風也堯惑也風聽臚言於市臚力居切風采也

風方鳳切諷通傳善惡辨別也妖惡也祥善也行歌曰

之辨妖祥於謠謠丙之辰歷弧箕服之類是也

歷一琰切考百事於朝百官職事問謗譽於路有邪而

正之畫戒之術也術道先王疾是驕也見卻駒伯駒

伯曰美哉駒伯晉卿卻錡然而壯不若老者多矣特

自見韓獻子獻子晉卿獻子曰戒之此謂成人成人

在始與善始與善善進善不善蔑由至矣蔑無也始與

不善不善進不善善亦蔑由至矣如草木之產也各

以其物物類人之有冠猶宮室之有牆屋也糞除而

已何又加焉糞除諭見知武子武子曰吾子勉之知

智成季子文子曾祖趙衰也宣宣子文子祖父趙盾

乎也言文子二賢之後長老乃為大夫非恥乎欲其

志以佐先君道法而卒以政可不謂文乎道達也志

為卿也修德蚤成子之文宣子之忠其可忘乎夫成子道前

也先君文子也。夫宣子盡諫於襄靈。襄公文公之子靈公父也。以

諫取惡不憚死進也可不謂忠乎吾子勉之有宣子

之忠而納之以成子之文事君必濟。濟成也。見苦成叔

子。苦成叔子卻犇也。叔子曰抑年少而執官者衆

執官為大夫也。吾安容子見溫季子。溫季子季子曰誰之不

如可以求乎。言汝不如誰可以求其次不欲其高遠也。見張老而語之。語

張老晉大夫張孟也。張老曰善矣從欒伯之言可以滋。滋益

也。范叔之教可以大韓子之戒可以成物備矣志在

子。物事也人事以備能行與否在子之志也。若夫三卻亡人之言也何稱

述焉。不足稱述。知子之道善矣。道訓也。是先主覆露于也。覆露

富切。先主謂成宣也露潤也。厲公將伐鄭。厲公晉景公之子州蒲也伐鄭鄭從楚故也在魯成十六年。范文子

不欲曰若以吾意諸侯皆畔則晉可為也。為治也。治直吏切。

唯有諸侯故擾擾焉凡諸侯難之本也。擾如小切。難乃旦切。畔

輒伐之故為難本。得鄭憂滋長安用鄭。長展兩切。楚必救之故憂益長。郤

至曰然則王者多憂乎文子曰我王者也乎哉。言俱

也。夫王者成其德而遠人以其方賄歸之故無憂。賄

罪切。方所在方賄。今我寡德而求王者之功故多憂。我晉子

子。

溫志明

見無土而欲富者樂乎哉

樂待各切。寡德求富行不得息。

厲公六年伐鄭

六年魯成十六年

且使苦成叔及欒廩與齊

魯之師

厲一減切。凡後同。苦成叔卻犇欒廩欒書之子栢子也。卻犇如齊欒廩如魯皆乞師。

楚恭王帥東夷救鄭

恭王莊王之子蒧也。或作審東夷楚東之夷也。蒧之林切。

楚半陳公令擊之欒書曰君使廩也與齊魯之師請

俟之卻至曰不可楚師將還我擊之必以勝歸

陳直刃切。

下並同。將還無關心故可勝也。

夫陳不違忌一閒也

閒古宴切。下同。違避也。

忌謂晦也。閒隙也。晦陰氣盡兵亦陰故忌之。經書六月甲午晦晉侯及楚子鄭伯戰於鄆陵。

夫南

夷與楚來而弗與陳二閒也

南夷據在晉南也。不與陳不欲戰也。

夫楚

與鄭陳而不與整三閒也

雖俱陳不整齊也。

且其士卒在陳

而譁四閒也

譁戶誇切。譁也。蠶休喬切。

夫衆聞譁則必懼五

閒也鄭將顧楚楚將顧夷莫有關心不可失也公說

於是敗楚師於鄆陵欒書是以怨卻至

說古悅字。怨其反已專

其美也。

鄆之戰卻至以韎韍之跗注三逐楚平王卒

韎木拜切。又音

妹跗音膚。三君云一洙曰韎鄭後司農說以為韎茅蒐洙也。韎聲也。昭謂茅蒐今絳草也。急疾呼茅蒐

成韎也。凡洙一人為繚跗。注兵服自要以下注於跗。繚七絹切。要於遙切。

見王必下奔

下下車奔走也。

退戰王使工尹襄問之以弓

工尹楚官襄其名問遺也。遺

唯季切曰方事之殷事戎事也有韎韝之跗注君子也

屬見不穀而下無乃傷乎屬適也傷卻至甲冑而見

客免冑而聽命免脫也脫曰君之外臣至以寡君之

靈閒蒙甲冑蒙被也不敢當拜君命之

辱為使者故敢三肅之使所吏切禮軍事肅君子

曰勇以知禮禮軍禮也

鄢陵之役大夫欲爭鄭與楚范文子不欲曰吾聞人

臣者能內睦而後圖外睦親不睦內而圖外必有內

爭益姑謀睦乎姑且考訊其阜以出則怨靖訊問也

靖安也言內且謀相親愛乃考問百姓知其虛實然後出軍用師則怨惡自安息也惡鳥路切

鄢陵之役晉伐鄭荆救之荆楚大夫欲戰范文子不

欲曰吾聞君人者刑其民以刑正成而後振武於外

也成平是以內齟而外威威畏今吾司寇之刀鋸日弊

也鋸居御切弊婢世切而斧鉞不行也弊敗也日敗用之數也數所角切

斧鉞大刑也不行不行於大臣內猶有不刑而況外乎夫戰刑也言

刑也兵猶用刑之過也刑殺有過由大由大而怨由細怨

者猶小者猶小故以惠誅怨誅除以忍去過忍以義斷也細

無怨而大不過而後可以武刑外之不服者今吾刑

外乎大人外者刑不及而忍於小民忍行刑於小民將誰行武武

不行而勝幸也幸僥幸也。古堯切。幸以為政必有內憂且

唯聖人能無外患又無內憂距非聖人必偏而後可

距其呂切。距猶自也。偏偏有一也。偏而在外猶可救也在外外有患也。疾自

中起是難益姑釋荆與鄭以為外患乎難乃旦切。釋置也。

鄢陵之役晉伐鄭荆救之欒武子將上軍范文子將

下軍將子匠切。上下中軍之上下也。傳曰欒書欒將中軍士燮佐之。又曰欒范以其族夾公行。欒

武子欲戰范文子不欲曰吾聞之唯厚德者能受多

福無德而服者眾必自傷也不義而疆其弊必速。稱晉之德諸

侯皆叛國可以少安稱尺證切。稱副也。副晉之德而為之宜諸侯皆畔不復征伐。

還自整修則國可以少安。復扶又切。唯有諸侯故擾擾焉凡諸侯難

之本也且唯聖人能無外患又無內憂距非聖人不

有外患必有內憂益姑釋荆與鄭以為外患乎諸臣

之內相與必將輯睦不復征伐無所爭也。今我戰又勝荆與鄭

吾君將伐知而多力知音智下同。力功也將自伐其知自多其功也。怠教

而重斂大其私暱而益婦人田重直隴切。暱尼乙切。暱近也。私近謂嬖

臣也大謂增其祿也。婦人愛妾也。不奪諸大夫田則焉取以益此諸

臣之委室而徒退者將與幾人焉於虔切。徒空也。與辭也。幾人言必多。

也戰若不勝則晉國之福也戰若勝亂地之秩者也

亂地亂故地也秩常也其產將害大益姑無戰乎產生也言其生變將害大

臣樂武子曰昔韓之役惠公不復舍韓之役秦獲惠公在魯僖十五年

年邲之役三軍不振旅邲薄密切。楚敗晉師於邲在魯宣十二年師敗眾散故

不能振旅而入箕之役先軫不復命晉人敗翟於箕先軫死之故不反命於君在魯

僖三十三年晉國固有大恥三今我任晉國之政任當也武子時

為上不損晉恥又以違蠻夷以重之重直用切。違也蠻夷楚也

雖有後患非吾所知也不能慮遠范文子曰擇福莫若重

擇禍莫若輕重直隴切下同。有二禍擇取其輕福無所用

輕禍無所用重晉國固有大恥與其君臣不相聽以

為諸侯笑也不相聽謂惠公不與慶鄭相聽以殯於韓先穀不與林父相聽以敗於邲先軫

不與襄公相聽以亡於箕益姑以違蠻夷為恥乎樂武子不聽遂

與荆人戰於鄢陵大勝之鄢陵鄭地於是乎君伐知而多

力怠教而重斂大其私暱殺三郤而尸諸朝朝馳遥切。三

郤錡擊至也尸陳也產將害大是也納其室以分婦人納取也室妻妾貨賄也於

是乎國人弗蠲蠲潔也遂殺諸翼葬之翼東門之

外以車一乘殺申志切下殺公同乘實證切。翼故音都匠麗氏也厲公侈多外嬖反自鄢

陵欲盡去羣大夫而立其左右欲以胥童夷羊午長魚鱣為卿故殺三郤長魚鱣又以兵劫樂書中行偃

將殺之公不忍而復其位魯成十七年冬厲公游於
匠麗氏樂書中行偃執公十八年正月使程滑殺公
葬之以車一乘不成喪
厲公之所以死者唯無德而

功烈多服者衆也烈業也服者衆謂魯成十二年會
於麻隧十五年盟於戚會吳於鍾離十六年敗
楚於鄢陵會於柯陵伐鄭十七年同盟於柯陵

鄢陵之役荆厭晉軍厭於甲切。厭謂掩其不備也
傳曰甲午晦楚晨厭晉軍而陳

軍吏患之將謀謀所以距扞
扞侯幹切范匄自公族趨

過之古害切或作巧過古禾切。匄范文
之子宣子也自公族為公族大夫曰夷竈

堙井非退而何堙音因。夷平也堙塞也
塞井竈示必死不復飲食非退而何

范文子言楚必退傳曰塞井夷竈陳於軍中而疏行
首是也。塞悉則切復扶又切行戶郎切

執戈逐之曰國之存亡天命也童子何知焉且不及

而言姦也必為戮言義不及句而句言之
是為有姦故必為戮苗棼皇曰

善逃難哉難乃旦切下篇並同。文子欲
句讓大臣不蓋掩人是為避難既退荆師

於鄢陵將穀穀處其館食其穀也
傳曰晉師三日館穀范文子立於戎馬

之前公戎車
馬前也曰君幼弱諸臣不佞佞才
也吾何福以及

此吾聞之天道無親唯德是授吾庸知天之不授晉

且以勸荆乎庸用也焉用知天不先授晉以福使勝
楚而以勸楚脩德以報晉乎。焉於虔

君與二三臣其戒之戒備
也夫德福之基也無德而

福隆猶無基而厚墉也其壞也無日矣墉餘衝切。隆盛也墉牆

也

反自鄢范文子謂其宗祝宗宗人祝曰君驕泰而有

烈烈功也夫以德勝者猶懼失之而况驕泰乎君多私

今以勝歸私必昭私嬖臣妾也昭顯也昭私難必作寵私必去舊去舊必

難作難吾恐及焉凡吾宗祝為我祈死祈求也先難為免免免

於亂七年夏范文子卒晉厲公七年魯成十七年冬難作始於三郤

卒於公公殺三郤樂中行畏誅乃殺公既戰獲王

子發鉤發鉤楚公子茂也傳曰因樂書謂王子發鉤

曰子告君告古毒切下同曰郤至使人勸王戰及齊

魯之未至也言勸楚王使與晉戰也晉乞師且夫戰

也微郤至王必不免微無也言郤至見王吾歸子子

晉軍如此吾令子歸楚也。令力呈切發鉤告公公告樂書樂書曰臣

固聞之固久也郤至欲為難使苦成叔緩齊魯之師已

勸君戰已郤至也戰敗將納孫周孫周悼公周也事不成故免楚

王然戰而擅舍國君而受其問不亦大罪乎金音捨問謂

也子且今君若使之於周必見孫周公曰諾樂書使人

謂孫周曰郤至將往必見之郤至聘於周公使覘之

見孫周覘丑艷切又丑廉切。覘微視之是故使胥之昧與夷陽午

見孫周覘丑艷切又丑廉切。覘微視之是故使胥之昧與夷陽午

刺卻至苦成叔及卻錡胥之昧胥童也及夷陽午皆厲公嬖臣卻錡謂

卻至曰君不道於我我欲以吾宗與吾黨夾而攻之

雖死必敗國國敗君必危其可乎卻至曰不可至聞

之武人不亂勇而不義則不為武知人不詐知音智。為詐則不為知仁人

不黨不羣也夫利君之富富以聚黨利君寵祿以為富得富故有徒黨

利黨以危君君之殺我也後矣後晚也且眾何罪鈞之

死不若聽君之命鈞等也等一死不欲為亂也是故皆自殺傳曰三卻

將謀於榭長魚矯以戈殺之既刺三卻樂書殺厲公

乃納孫周而立之是為悼公

長魚矯既殺三卻乃脅樂中行謂與胥童共脅之也脅切也樂樂書中行

中行而言於公曰不殺此二子者憂必及君言二子懼誅必

將圖公曰一旦而尸三卿不可益也對曰臣聞之亂

在內為軌在外為姦禦軌以德禦姦以刑禦止也德以德綏

之以刑謂誅除也今治政而內亂不可謂德除鯁而避強不

可謂刑鯁古杏切鯁害也德刑不立姦軌並至臣脆弱弗能

忍俟也乃犇翟三月厲公殺脆七歲切犇古奔字殺申志切。魯成十七年

十二月長魚矯犇翟閏月樂中行殺胥童十八年正月厲公殺

樂武子中行獻子圍公於匠麗氏麗力之切。匠麗氏晉嬖大夫也

乃召韓獻子獻子辭曰殺君以求威非吾所能為也

殺申志切。求威求立威也。威行為不仁事廢為不知知音智。威行於君

為不仁事廢為不知知音智。威行於君

於趙氏畜許六切。畜養也。韓孟姬趙盾之子趙朔之妻晉景公姊也與盾之弟樓孟姬之讒吾能違兵

嬰通嬰兄趙同括放之姬諧同括於景公景公殺之時獻子能違其兵難卒存趙氏未可脅人有言曰殺

以殺君也在魯成十八年。難乃旦切

老牛莫之敢尸而況君乎尸上二三子不能事君安

用厥也中行偃欲伐之樂書曰不可其身果而辭順

果謂敢行其志也順無不行果無不徹順者人從之故無不

不徹徹達也犯順不祥伐果不克克勝也夫以果戾順行民

不犯也戾必計切。戾帥也以果敢帥順吾雖欲攻

之其能乎乃止帥所律切

國語

